

殺者非其人而駕馭之失策也惟孔公鏞以忠信招徠之立撫犛免差役約束其衆以聽征調俾享其田園之利而藉其捍禦之功今犛人遣子就試斑斕化爲青衿孔公明德遠矣

舊志

右採錄府志

今考台浦人民俱屬漢族惟寨墟樂民橫嶺間有犛族居住因助討斷藤峽有功大吏給田與耕名曰犛田清代薄其賦稅民紀之初始計畝升科其族類與漢人無大異但面色微黑現已與漢人同化不復能辨認矣

地方志

團局 水利

鄉都 珠池

莽莽廉山茫茫浦海地居僻左服屬要荒然自桓亭更邑珠官改縣而後鄉都分設圖繪絜齋水利講求經籍師孟或釐為團局儼如鄉長之官聞以村墟奚翅日中之市是皆關民生計一邑良模也因類書之志地方志

團局

縣境分為十六團

附城

珠江

石川

福旺

靖海

永安

聯安

平睦

三總

六湖

進誠

寨墟

鎮西

大廉

萬安

合立

鄉都

右列各團邑人稱為上下八團每團因地勢之便利分為三局或六七局團有團總局有局董皆選鄉中薦紳充之

合浦縣編戶三十一里

興廉坊

附郭 東北

還珠廂一圖

附郭 東南

還珠廂二圖

附郭 西北

三村鄉

縣治南十里領安甯都今禁山插龜楊家山軍屯
兩江小嶺欽馬王屋塘龍潭官井平洋舊湯諸村

清和鄉一圖

縣治東二十里領白沙都

清和鄉二圖

在一圖東

清和鄉三圖

在二圖西

多權鄉一圖

縣治西北十里領白沙都今
不濟孟水宿秋州江口諸村

多權鄉二圖

縣治東北今沙灘屯平田大嶺
苦藤並峒白水塘新寨諸村

海岸鄉

縣治東一百五十里領仁和都今永安
對達井蕭梁廳英武駛武流丹兜諸村

新興里

距縣百五十里大原山南今香山
山龍骨掃筒山角香草江平鴨諸村

興忠里

縣東北一百五十里大廉山北今陸湖陸
厄風門嶺樟木山王屋東山坑張屋諸村

武樂坊

縣東北三十里今石康長沙附近村
鄉皆是鄉曰坊仍石康之舊也

平樂坊

縣治東北五十里領永安都今平樂低寨灘項黃峰坡勒竹頭山竹
泰陂山石塘王侯李家車板嶺地窟楊月隔塘山角泖勤平埔諸村

蓬萊鄉

縣東北七十五里領永甯都今石壁峒
油灘遠里古城木棉並一十旁舊州諸村

東堂鄉一圖

縣北一百里領太平都今黃香武鹿峒信譚楊
陳村大家山趙村六別六動六衣六居六龜諸村

東堂鄉二圖

在一圖東今宿勞橋水丁村柳
萊水底那門灘錦村東那諸村

東堂鄉三圖

在二圖西今姜華勞家綠蘿坡
村福水姜底那皮木諸村

進誠鄉一圖

在二圖北一百二里德領太安都今
那良清湖甘寧家權根村諸村

進誠鄉二圖

在一圖東北今西堂平馬蘇村
那夫嶺綠水塘北那諸村

進誠鄉三圖

在一圖北今六秀大廖
平山桂林村崩塘車村

進誠鄉四圖

在二圖中今新塘六橫北河新村
雲房東岸西岸那郎譚村李村木權根

進誠鄉五圖

在一圖東北今湯屋蘇村
那郎平卡平王譚坪詩村

進誠鄉六圖

在一圖東北今高橋六橋陶村
西川山口梁村苦竹古三分界

萬安鄉一圖

在二圖北一百二里舊領太富都今
底龍陳衣五黃太平大塘那四村

萬安鄉二圖

在一圖
圖四

萬安鄉三圖

在二圖南今雷公塘官橋底穩螺塘
滑石到就井埔慢中山甯村少山村

萬安鄉四圖

在三圖西今錫
蓋嶺庄埔等村

萬安鄉五圖

在四圖
圖北

歸德鄉

歸東北二百八十里舊石康縣之永豐新立二鄉也永豐西接靈山舊領永平一都新立石永豐東領歸德都南接合浦石成化前有蟠碑之蟠碑大石易為新興與忠矣

今考宋史袁燮令每保畫一圖合併為都台都為鄉合鄉為縣紅發按圖可得今之分某都某圖殆昉此

水利

廉江在府治東北五十里源自鬱林武利諸水合為廉江南流二十里至府城北分支為四一支迤邐循城而下名為州江因其水口太高沙易壅塞冬月水淺舟膠率由廉江轉出海口隨潮而入民甚苦之明正德間知府沈綸旋濬旋淤嘉靖間知府何御開中岸以寬其上流之勢兩壘石礮以障其下流之洩由是水勢滂沛民無轉海之勞清嘉慶間復塞道光十年知府張育春率紳耆親往相度於舊江之東五里鑿而通之以直迎上流之水下塞舊江之口使不分其勢因勢利導庶幾江流順軌永免淤塞矣

羅城江在府治北二十里源自鬱林武利諸水至府城北台為羅城江其江北岸高而南岸低水難逆灌明宏治初知府劉互

一與旁一見沃壤可田乃壘石壩於江中橫截水道以灌田招人墾種與忠里之民至今利之

龍門江在府治東八里清一統源自大嶺村西流遶城凡附郭平田薛屋等峒田千餘畝皆資其灌溉

劉公陂在府治五里源東自硃砂嶺流經城南西入於州江

鼓塘陂在府治東三十里壩闊十丈明成化間石康知縣羅紳捐資築灌田百餘畝

陳調白沙江在府治東北五十里源出那東江西流入石康大江明嘉靖十五年知府張岳令民築壩十五丈截流灌田民甚賴

之

蛟龍塘在府治北二十里源自武利江南流入於大江民築壩截流長十五丈溉田數百畝

五水江在府治東北二十里源自大莊江西流入州江民築壩截流長十五丈流田數百畝

黃桅水在府治北十二里源自蕨山峒西流入州江壩長二十三丈

七里江在府治東二十里源自大莊江西流入州江壩長十五丈

大水江在府治東二十里源自倒木江西流入州江壩長十六丈

偷狗水在府治南二十里源自羅城江西流入州江壩長十五丈

大浪陂在府治東二十里源自黃桅水西流入州江壩長三十丈

右自陳調白沙江至大浪陂凡八處皆知府張岳修築民蒙

其利

位屋陂在舊石康縣西北七里源自倒木江水開數里

平樂陂在府北平樂鄉明洪武初築壩闊十二丈乾隆五十九年圯鄉民移築於上流今復圯

陂水陂在府東六十里車板江下明洪武間築堤灌田數百畝乾隆五十九年圯六十年村民修復

六嶺村西流環城凡附郭平田薛屋等峒田千餘畝皆資其灌溉

石城陂在府東六十里乾隆初築土堤灌田數百畝乾隆四十九年改修磚石

大陂頭江在府東百里距開口墟五里乾隆二十一年劉尚行歐維基倡砌石陂從山徑鑿石爲圳嘉慶九年圯十年邑監生馮

掄模倡捐修復可灌田三百餘畝

車板江在府東六十里興忠圖嘉慶間村民創水車三十餘架灌田百餘畝

陳屋村峒在府東百里距大康二里康熙乙巳年陳國賓兄弟築后背山下塘一嘉慶間合族捐資重修灌田數百畝一方賴之

楊屋墩峒在縣東一百一十里興忠圖有埔水井尾山塘黃竹塘木籬窩三大陂塘皆楊映照倡捐築石堤可灌田百頃

鍊子曲村埔在府東百里六湖峒邑人王昭德開王盛江復鑿大石成陂長約十里灌田數十頃為利甚普
六湖峒在府東百里新興圖四維有埔水曰官塘湖曰養珠湖曰黃坭湖曰深湖曰青湖曰赤子湖故名六湖後有三湖被民墾
田今僅存三湖而灌溉之利民猶賴之

開口峒在府東百里新興圖有大陂乾隆間開築灌田數十頃
上下峒陂在府東百里距六湖峒二里乾隆間邑訓導陳相烈義民賴達詩捐築東西兩岸陂灌田數百頃五十八年東岸圯嘉

慶間修復旋圯道光元年六湖士民重修兩岸作水門羣利賴之

大江陂在府治三百里福旺墟廣二萬餘步畝約數百悉資灌溉
盤龍口在府治北二百七十里古立江旁乾隆間邑人營義文埋竹取對岸六府嶺水名曰透地龍灌田數十頃人多效之其利

其溥盤龍口陂地高約一餘丈其對岸有嶺曰六府嶺與盤龍等惟上有水流下而中隔小江車無所施規莫可架義文於六府嶺腰用竹去節盡銜其流復用竹以次鈎接下抵小江江底由是從江底仍用竹銜接以次斜上遞至盤龍坡平坦之處始開圳以接其流流且不竭焉蓋六府水下其性急迨引至小

江江底水為竹東下洩雖從勢不得不激之由竹以上行也其用竹或五六尺或七八尺無論自上自下皆埋地二三尺但勿彎曲起伏以滯其進行之勢也高坡為水口賴此一注此透地龍所由名云

旺水陂在府東三百六十里距歸德圖莫村半里乾隆間開築灌田數頃

社頭陂在府三百餘里距歸德圖社頭村一里乾隆間開築灌田數十頃

蒙竹陂在歸德圖蒙竹村二里嘉慶間開築灌田數十頃

大慶山下牛牯上下徑陂二雲頭上下徑陂二大水口上陂一下陂一九曲陂一滑石陂一慶山筒東陂水有八其迤而西高村

香山羅秀等村俱有陂故府治東水利以慶湖兩峒為最

大慶谷村陂塘 滕水

嶺脚村峒埔水

蘆荻水洞埔塘

黃泥溝塘埔塘

福祿高坡村洞埔水

藍屋村洞埔水

六斗米田洞 插塘

高州廖村 插水

乘馬村 插水

新屋地村 插塘

羅村 插水

高屋洞 插水

香山村 洞 陂塘

陂唇洞 陂塘

九曲陂洞 陂塘

香草江 洞 陂

馬欄村 洞 烏石塘

大橋坡 洞 陂

滑石江 洞 陂

長岡嶺 洞 陂

浪坡 洞

上二十洞俱乾隆間村民築陂開塘准田數百頃

珠池 附

類書曰珠池廣東廉州珠池者曰曰楊梅曰青鶯曰平江曰永安出雷州者一曰樂民實皆海面島嶼環圍故稱池云按樂民池即對樂池在雷

州府遂溪縣西南一百五十里第八都樂民千戶所城西海內又曰樂民池今考廉州珠池六烏泥池與永安所相近或者即係永安池而斷網池又其別名也

烏泥池 至平江池四里

平江池 至楊梅池九十里

楊梅池 至青鶯池六十五里

青鶯池 至斷網池百九十里

斷網池 西至烏泥池一百十里東接樂民所西抵白鵝城為珠池海界

珠池在城東南八十里海中舊唐書地理記廉州合浦縣有珠母海郡人採珠之所珠母海去石康八十里即合浦也凡珠當(于旁)

出於蚌蚌母廣數寸長尺餘寰宇記合浦產珠之地名斷望池去岸數十里蛋人沒而得蚌割珠蛋人自云海中珠池若城郭然

其光怪不可嚮通常有怪物護持 嶺外代答

明史曰廣東珠池率數十年一採宣宗時有請令中官採東莞珠池者繫之獄英宗始差中官監守天順間嘗一採之至宏治十

二年歲久珠老費銀萬餘兩得珠頗多尋罷監守中官正德九年又採嘉靖五年又採珠小而嫩所得亦少八年復採廣東巡撫

林富上疏言五年採珠之役死者萬計而得珠僅八十兩天下謂以人易珠恐今日雖以人易珠亦不可得給事中王希文言嘗

廉珠池祖宗設官監守不過防民爭奪正德間逆閹用事傳奉採取流毒海濱陛下御極革守池少監未久復驅無辜之民蹈不測之淵以求不可必得之物而責以難足之數非聖德所宜有不聽臨履六正詔廣東採珠神宗立停罷既而太后進奉諸王皇子公主冊立分封婚禮令歲解金珠復遣中官王敬至鳳廣東採珠給事中包見捷力諫不納至廿二年始停採四十二年以指揮倪英言復開雷州志曰珠池漢唐無考自南漢劉長(金旁)賈媚川都宋開寶以還遂置場司或採或罷明洪武廿九年詔採珠設專官正統初命內監分守珠池雷廉始大困景泰間守池太監諱紀肆橫為廣民害紀為先發制人計誣奏知府李純縱民盜珠逮錦衣衛獄正德中採對禁池以無珠罷末年太監趙蘭激變雷民御史陳實劾之雷池太監始革總屬廉池太監而廉民益不聊生矣嘉靖八年復採以巡撫廣東都御史林富奏停止九年復請革珠池市舶太監歸海北分巡道兼管從之兩郡稍蘇南越志珠有九品七五分以上至一寸八分分為八品石光彩一邊平似覆釜者名富(王旁)珠當(王旁)珠之次為走珠走珠之次為滑珠滑珠之次為螺珂珠螺珂珠之次為官兩珠官兩珠之次為稅珠稅珠之次為葱符珠嶺南雜記珠池在廉州海中取珠人泊舟海邊數十聯絡乘天氣晴爽萬里無雲翻舟守珠池以鐵網墜海底用鐵檢檢蚌蚌滿網舉而入舟舟滿一岸取而剖之所得多屬凡珠偶或一舟中實珠即不片雲如墨似頃風波陡作舉而棄之始免覆溺然羣舟中不識寶珠在何舟必盡棄乃已皆空手而返否則片板無存矣其蚌圓而底平與肉蚌不類舊海國雜記北海珠池蛋人沒水取蚌剖而得珠取法以大船環池口懸大互(系旁)列以小繩繫諸腰沒水氣迫則繩人覺乃絞取緣大互(系旁)以上前志所載如此永樂初人沒水多獲魚腹中或絞繩上僅手足存耳最後法以木柱板口兩互墜石用麻繩絞作兜如囊狀繫繫船中幸惟乘風行跡兜重則蚌滿然取蚌剖珠萬中不得一顆所費巨萬得不償失嶺海見聞錄云蚌開膏而孕三月而胎珠中秋蚌始胎中秋無月則蚌無珠凡秋夕海色空明天幸有朱霞光起蚌曬珠也天生利物毋容以人力假借

明雷州司李歐陽保曰珠者鐵不可食寒不可衣雖精光陸離要不過為簪珥飾無關重輕昔孟嘗為合浦守能令去珠復還千古謂為盛事余謂珠一物也安知去還殆當日民誦廉特假此以神其說而未必實有是事往者開採命下紹當(王旁)豺虎就就海上民不聊生設慣盜渠魁來風颯起千百連宗(舟旁)勢難究詰可為皆心曷為若民請命盡弛珠禁雷陽受福蓋無量已余謂前明閹豎肆虐雷廉公私科斂敲骨吸髓百餘年元氣未復聖朝永除大監採珠一害雷廉之民昔罹水火今永登衽席其受福寧有涯哉

明柯時復雷州府對樂珠池罷採碑記略云萬歷二十八年庚子命太監李鳳抵雷採珠與廉州畫海為界調民船四百有奇商船稱是供役千餘人押船守港兵二千六百支糧四千餘石旗仗什物成備費帑四千餘金而饋送之私不與焉計所獲珠不滿百兩且商船作姦勾通外夷幾釀成大禍賴李太監老成仁厚人也以狀聞詔罷採雷民權呼稱萬戲 瓊山陳實宏治壬戌進士官臺諫當逆聞劉瑾用事家斥數年常杜門不出瑾敗起授江南道御史時太監趙爾守珠池雷廉以採珠騷動嘉靖改元實首劾之風裁凜然後南海方獻夫欲獻媚詔當 王旁 浦王守仁招撫田州不滿杜等意上疏薦廉州太監張賜資性淳良恬淡寡慾廉與龍州交趾賓州思恩田州等接壤賜久居其地熟習夷情可用為總鎮兩廣太監二公皆粵人一効一薦君子小人之用心如陰陽晝夜之相反如此

右採錄府志

合浦海中有珠池七所其大者曰平江楊梅青嬰次曰烏提白沙斷望海猪沙而白龍池尤大其底皆與海通海水鹹而珠池淡淡乃生珠蓋月之精華所注焉故珠生池中央者色白生池邊者色黃以海水震蕩鹹氣侵之故黃也珠者蚌類也蚌之陰精圓澤為珠故郭璞曰瓊蚌晞曜以瑩珠或以為石決明產非也珠一名神胎凡珠有胎蓋蚌聞雷則疾瘦其孕子然故曰珠胎蚌之病也珠胎故與月盈肉一月者一望月而胎中秋蚌始胎珠中秋無月則蚌無胎呂氏春秋云月羣陰之本月望則蚌蛤實羣陰盈月晦則蚌蛤虛羣陰撤淮南子云蛤蟹珠龜與月盛衰又云月死而羸蚌瞧語曰江奉（虫力）之精孕為明月又曰蚌胎之珠隨月圓缺

凡秋夕海色空明而天半閃爍如赤霞此老蚌曬珠之候蚌故自愛其珠得月光多者其珠白曬之所以為潤澤也凡蚌無陰陽牝牡須雀雀變化而成故能生一專一於陰也曰珠牡者言其蚌大無陰也或以九孔羸為珠牡非也曰珠母者言其無陽也蚌以月為食與蟾蜍相為性命呼吸太陰之精無大小皆有珠皆牝類也海曰珠母宜也又珠母者大珠在中小珠還之也凡採一以二日之望為始珠尸人招集羸夫割五大牲以禱稍不虔潔則大風翻攪海水或有大魚在蚌蛤左右珠不可得又復望祭於白龍池以斯池接近交趾其水深不可得珠冀珠神移其文珠至於邊海也採之之法以黃藤絲棕及人髮紐合為纜大徑三四寸以鐵為琵琶（木旁）以二鐵輪絞之纜之收放以數千人司之每船琵琶（木旁）二輪二帆五六其纜繫船兩旁以